

Na osnovu člana 151. stav (4) i člana 141. stav (4) Zakona o zdravstvenoj zaštiti („Službene novine Federacije BiH“, broj 46/10 i 75/13), a u vezi s članom 8. stav (4) Pravilnika o kontinuiranoj profesionalnoj edukaciji u oblasti rane detekcije, intervencije i praćenja razvojnih i drugih poremećaja koji utiču na rast i razvoj djece od rođenja do polaska u školu („Službene novine Federacije BiH“, broj 26/23), Zavod za javno zdravstvo Federacije Bosne i Hercegovine (ZZJZ FBiH), uz saglasnost federalnog ministra zdravstva, poziva uposlenike JU DZ Kantona Sarajevo za prijavu na

## **JAVNI OGLAS**

### **za kontinuiranu profesionalnu edukaciju u oblasti rane detekcije i praćenje razvoja djece od rođenja do polaska u školu**

Federalno ministarstvo zdravstva u suradnji s nosiocem edukacije, uz finansijsku podršku donatora Vlade Republike Hrvatske putem udruge EDUS, organizuje:

- **kontinuiranu profesionalnu edukaciju u oblasti rane detekcije i praćenje razvoja djece od rođenja do polaska u školu (PRD) za grupu od 10 polaznika**

Uz zahtjev za pristup edukaciji PRD, dostavljaju se dokazi o ispunjavanju sljedećih uslova:

- dokaz o završenoj školi, odnosno fakultetu;
- položen stručni ispit - samo za zdravstvene radnike;
- potvrdu poslodavca da je polaznik edukacije uposlen u zdravstvenoj ustanovi koja podnosi zahtjev za edukaciju s navođenjem naziva radnog mjesta polaznika edukacije i službe/centra u kojoj je polaznik edukacije uposlen;
- potvrdu o posjedovanju najmanje tri godine radnog iskustva u struci;
- biografija;
- motivacijsko pismo kandidata za sudjelovanje u edukaciji.

Ovjerene kopije dokumenta ne smiju biti starija od 3 mjeseca, a potvrda o zaposlenju u zdravstvenoj ustanovi ne smije biti starija od dana objave javnog oglasa.

Zahtjev za pristup edukaciji je dostupan na web stranici ZZJZ FBiH ([www.zzjzfbih.ba](http://www.zzjzfbih.ba)).

**Za prijavu na Javni oglas potrebno je popunjeni zahtjev za pristup edukaciji sa svim dokumentima, u zatvorenoj koverti, lično ili putem pošte dostaviti u Federalno ministarstvo zdravstva, Titova 9, 71000 Sarajevo.**

**Na koverti navesti: *PRIJAVA NA JAVNI OGLAS ZA KPE U OBLASTI RANE DETEKCIJE I PRAĆENJE RAZVOJA DJECE OD ROĐENJA DO POLASKA U ŠKOLU.***

**Javni oglas se objavljuje** na web stranici ZZJZFBiH ([www.zzjzfbih.ba](http://www.zzjzfbih.ba)), kao i u dnevnim listovima: „Večernji list“ i „Dnevni avaz“.

**Rok za podnošenje prijave traje 21 dana od dana posljednje objave u dnevnom listu.**

Nepotpune i neblagovremene prijave neće se uzeti u razmatranje.

Početak edukacija planiran je u oktobru 2024. godine, a raspored edukacija bit će objavljen na web stranici ZZJZ FBiH nakon završetka konkursne procedure.

Broj: 01-33-4933/24  
Sarajevo, 11.9.2024. godine

ZAVOD ZA JAVNO ZDRAVSTVO  
F BiH, Sarajevo, Maršala Tita br. 9

Primljeno: 11.09.2024			
Org. jed.	Klasif. oznaka	Red. broj	Broj priloga
M-09-02-8-		374	1/24

ZAVOD ZA JAVNO ZDRAVSTVO FEDERACIJE BiH  
Ul. Titova broj 9

SARAJEVO

**PREDMET: Suglasnost, dostavlja se –**

**Veza:** Vaš akt broj M-09-02-8-374/24 od 15.7.2024. godine

Poštovani,

Vašim aktom broj: M-09-02-8-374/24 od 15.7.2024. godine zatražena je suglasnost na tekst javnog oglasa za javno oglašavanje za kontinuiranu profesionalnu edukaciju u oblasti rane detekcije i praćenje razvoja djece od rođenja do polaska u školu sukladno članku 8. stavak (4) Pravilnika o kontinuiranoj edukaciji u oblasti rane detekcije, intervencije i praćenja razvojnih i drugih poremećaja koji utječu na rast i razvoj djece od rođenja do polaska u školu („Službene novine Federacije BiH“, broj 26/23).

Postupajući po predmetnom zahtjevu, federalni ministra zdravstva, sukladno svojim ovlastima iz članka 8. stavak (4) citiranog Pravilnika, daje suglasnost na dostavljene tekstove javnog oglasa, a koji su sastavni dio ove suglasnosti u cilju provođenja kontinuirane profesionalne edukacije u oblasti rane detekcije i praćenje razvoja djece od rođenja do polaska u školu.

S poštovanjem,

**MINISTAR**

**Dr. Nediljko Rimac**

**Prilog: kao u tekstu**

**DOSTAVLJENO:**

- Naslovu
- Arhiva